

Кому Республикаса том войтырлөн газет



Ок и корөсясям!

**Тайо
НОМЕРЫН**

Кöрткерöс районса Висер сиктса войтыр август 2 луно пасйисны чужан сикт артмöм-сянь 529 во. Гажа концерт, спортивной ордйысьöм, сьылöм да йöктöм - мыйыс сöмын эз вöв. А шонди луныс нöшта на ызьöдiс да кыскис йöзсö гаждöчыны.

4
л.б.

«Йöлöгалöн» лист бокъясын лыддысьысьöс бара на нимкодмöдас «Ы» литература пeтас. Торйöн нин окотапырыс тöдмасым том коми гижысьяслön творчествоöн.

5-12
л.б.

Тшöкыда казялан, буретш гождöмын юрсиыд быттьö «мудзöма». А ставыс сы понда, мыйла шонди югöр косьтö юрситö, сөйö сылысь збыльвысва рöмсö, юрсиыд быттьö быгалöма. Мый колö вöчны?

13
л.б.

Воысь-во важ керкасыд киссьöны. Öтшöтш вошö и историяысь ыджыдкодö юкөн. «Гриваса рöдвуж керкаяс» проект отсалö ас сиктса войтырлы пыдисянджык видзöдлыны пуысь вöчöм зодчество вылö.

14
л.б.



Республиканская служба «Телефон доверия»

15 августа с 00.00 до 24.00

горячая линия

Здравствуй, школа!

Снова осень. Вновь зовёт учебный класс.

На вопросы
по адаптации ребенка
к школе ответят
психологи
службы
«Телефон доверия»



8-800-2000-122

(с любого телефона бесплатно)

8(8212) 21-11-66

(со стационарного телефона бесплатно)

Форум «Виртуальный психолог» www.komiforum.ru

Отсалас психолог

Август 15 луно республикаса «Дöверие телефон» нуöдö «Чолöм, тöдöмлуныяслön страна!» пöсь линия. Асывсянь войöдз психологыяс кутасны вичысьыны йöзсянь шыöдчöмгьяс. Найö вочавидзасны челядлön да бать-мамлön юалöмгьяс вылö. А юалöмыс збыльысь уна: кыдзи дасытысьны школа кежлö, лöсьöдны лунся пöрадок, воны öти кывйö велöдыськöд, ёртгьяскöд, кыдзи кыпöдны выль тöдöмлун босытны кöсийöм да с.в.

Психологыяслön отсöг медьёна колö медводдза классö мунысьясы да налön бать-мамлы. Öд тöрыгтя детсайдйö ветлысьы зэв сьöкыд пырысьтöм-пыр вуджны мöд оласног вылö. Да и бать-мамлы да пöль-пöчлы ковмас велöдчыны мöд ног овны, отсавны кагалы велавны школа дорö. А татшöм велалöмыс вермас кыссыны кыккуим тöлысьянь во джынйöдз.



Ставон «Ыбица» вылө!

Август 23-24 лунгясö республикаса олысьяс бара на вермасны шойччыны «Ыбица» гаж дырйи Сыктывдинса финн-йöгра этнопаркын. 2011 воын гажыс котыртчывлис медводдзаясь. Мунö сйö кыкысь онас: гожöмнас - «Ыбица» мультифестиваль, а төвнас - «Төвса Ыбица» спортивной фестиваль. Талунгя лунö нин «Ыбица» тöдса абу сöмын республикаса олысьяслы, но и Россия пасьта, а тшöтш и суйöр сайын.

Тавося «Ыбица» вылө волас «Ива Нова», «Анимация» да мукöд котыргяс. Виччысьоны и нималана Гарик Сукачëвс.

Лоö позянлун ворсны саамскöй футболон, спидминтонон (бадминтонлон сикас), пейнтболон, лазертагон, пырöдчыны велосипедон ветлан ордысьомö, кроссфитö - Коми Республикаын бөрья кадö паськалысь спорт сикас. Öти кывйон кө, гажтöмтчыны лоö некор.



Уджалисны да шойччисны

Кулөмдинса школа бердын быд во котыртчывлө ЛТО. Челядьлön уджалан бригадаяс ёна зильöны гожöмын, унатор вöчöны сикт гөгөр.

Таво лои котыртöма кык бригада. Ставнас зилис 100 сайö том морт. Налон арлыдныс - 14-сянь 18 арöсöдз. Июнь да июль төлысьясын Кулөмдинын уджалис сідз шусяна Юралысьлön отряд. Июнь төлысьын тайö томуловыс пелькөдісны сиктса шойна, Эжба юлысь веськыд берегсö. Июльын нин отрядыс отсасис Керчомьяын, Носимын, Паспомын, Дереваннойын, Уллянаын.

Ныв-зон вöчисны дзоньтасян удж, лосьбөдісны-пелькөдісны школабердса ин да челядьлы площадкаяс, пунктисны асьыныс пай и «Олимпик» физкультура да дзоньвидзалун сөвмөдан комплекс кыпöдөмö.

Біджыд удж мунö и школаса теплицаын. Сйöн уна во веськөдлö биология велöдысь Л.Е.Уляшева. Челядь тані пунктöны рөссад да велöдчöны сы бөрся дөзьöритны. Тасысь кындзи томулов вöчалісны-мичмөдісны школа йорса клумбаяс.

Челядь киясөн лосьбөдöма и вежа ва петанінгяс. Ныв-зон ёна отсасисны нуöдны районлысь лун, пырöдчисны республикаса «Речная лента», «Чистый Усть-Кулом» да «Куритчöмлы ме паныд» акциясы.

Гожöмнас жö томулов аддзысьлісны Кулөмдинса инспекторгяскөд, велісны сиктса МЧС-ö экскурсияон. Уджалисны ёна да сьөлөмсяньыс. А козиннас налы лоис спорт да дзоньвидзалун сөвмөдан юркарас нималана комплексö ветлөм.

О.В.УЛЬНИРОВА,
Кулөмдинса школаын
воспитательной удж кузя
веськөдлысьöс вежысь.



ГАЗ

Көрткерөс районса Висер сиктса войтыр август 2 лунө пасйисны чужан сикт артмөмсянь 529 во. Гажа концерт, спортивной ордйысьом, сьылөм да йөктөм - мыйыс сөмын эз вөв. А шонди луныс нөшта на ызьөдис да кыскис йөзсө гажөдчыны.

Локтан воыс - тшупөда паса

Водз асылын медводз нуөдисны вичкоын служба, сэсса котыртісны крестной ход. Лун шөр кадө нин томулов видлісны тэрыблун-винёв-лунсө спортивной ордйысьомын. Том спортсменъяслы вöрын коліс венны километр джын котөртөмөн, а сэсса 1 километр велосипедөн. Вермасьомө пырөдчөмысь быдöнлы вичмис юмов козин, а вермысьяслы сетісны грамота.

Висер сиктын эм шогсьысь мамылы памятник. Бөръя кадө сійөс дзоньталісны, а август 2-öd лунө кыпыда восьтісны. Памятник дорын гөрд ленточкасө вундіс Висерса медся олөмаяс лыдысь (татшөмыс кык морт), 93 арөса Евдокия Фёдоровна Паниюкова.

Рытланьыс унаөн чукөртчисны концерт вылө. Йөзыс сы мында лои - сувтнытө некытчө. Сцена вылын выступайтісны Висерысь сьылан-йөктан котыръяс, а сіджө и матысса сикт-грездысь воөмаяс, Сюзяыбса да Типөсиктса. Висерысь «Ягодки» котыр асьыныс петкөдчөмсө сиисны Анатолий Михайлович Михайловлы, коді пасйис 65 арөс да зэв ёна радейтө «Ягодкильсь» сьылөм-йөктөмсө.

Висерын нывбабаяслөн совет атгөалө концертсө бура нуөдөмысь том ныв Анастасия Михайловаос. Сцена вылын петкөдчыны да йөзөс гажөдны кужөмыс уналы воөма сьөлөмас.

Висерса нывбабаяслөн совет нөшта котыртілөма юр вылө гожся пасьталантор конкурс. Сиктыслөн чужан лунө вөчисны сылы кывкөртөд. Конкурсө пырөдчөмаось кыкөн. Наташа Кирушева вөчөма мича веннок, көні и дзоридзыс, и быдсикас тусьыс вөлі. Мөд конкурсантыс - кык арөса нывка. Мамыс, Наташа Михайлова, отсалөма вөчны быдтасыслы гожся веннок.

Локтан воө Висер сикт пасьяс тшупөда пас. Сиам, мед нөшта на кыпыда гажыс артмас-мунас, а сиктса войтыр водзө на радейтасны да нимөдасны чужан сиктнысө.

Екатерина МИКУШЕВА

Снимокъясыс

Оксана ПИНЯГИНАЛӨН





2 №

август 15 лун
2014 во

«Лито-Артлы» - ВИТ ВО



2010-өг во.

Миян республикаын, кӧнкӧ, быдӧн нин лыддылыс либӧ аддылыс «Арт» журнал, ӧд сийӧ кывсьӧ оз сӧмын танӧ, но и мукӧд муын. Но геждӧ йӧз, кӧнкӧ, кывлісны журнал бердын уджалысь том коми гижысьяслӧн «Лито-Арт» котыр йылысь, кӧть эськӧ сылы тырис вит во нин. Юрнуӧдӧ сэні уджнас Елена Афанасьева - «Арт» журналын уджалысь, Коми гижысь котырын литературной консультант.

«Лито-Артӧ» ме веськалі медводдзаяс лыдын. И сэки гӧгӧрвои, кутшӧм ӧна вӧлӧм колӧ том йӧзлы ас коддьӧмыскӧд сӧрниыс, ӧта-мӧдныслысь гижӧдъяссӧ видлалӧмыс, видӧмыс и ошкӧмыс. Нӧшта гӧгӧрвои, мый гижӧд вылад позьӧ уджавны помтӧг и асьтӧ колӧ дугдывтӧг сӧвмӧдны. Гижны, лыддысьны, сӧрнитны йӧз водзын...

Аддысьлӧмъяс дырйи Елена Евгеньевна ӧтырышъя вӧзйис миянлы вӧчны аслыспӧлӧс уджъяс, и на отсӧгӧн ми вермим йӧткыштчыны асланым творчествоын водзӧ да ӧнджыка корсьысьны, паськӧдны кыввор, озырмӧдны лов. И вочасӧн кутим йӧзӧдчыны не сӧмын газет-журналын, но и республикаса альманахъясын, а сэсся чукӧрмисны кывбуръяс и торъя небӧгъяс вылӧ.

Творчествоаным выль воськовъяс отсалісны вӧчны и коми сиктса войтыркӧд аддысьлӧмъяс. Йӧз водзын кывбуръяс лыддигӧн гӧгӧрвоан, мый налысь ӧнджыка вӧрзбӧдӧ сьӧлӧмсӧ, и юалӧмъясныс вылӧ вочавидзигӧн выль ногӧн нин видзӧдлан творчество вылад, а корсьурӧ и ловтӧ гугӧдан. Республикаса районъясӧ ветлӧм кындзи кольӧм во миянлы мойвиис веськавлыны и Санкт-Петербургӧ. Ыджыд аттьӧ таысь «Арт» журналса шӧр редактор Г.В.Бутыревалы, а нӧшта сийӧс вежысьлы - П.Ф.Лимеровлы. Найӧ век радпырысь вочалӧны миянӧс, аддзӧны сӧрни вылӧ кад, отсалӧны збыльмӧдны проектъяс.

«Лито-Артным» окотапырысь ӧртасьӧ мукӧд литературной котыркӧд, петкӧдчылӧ ӧтувъя аддысьлӧмъясын. А неважӧн босытчис лӧдзы «Йӧлӧга» газет редакциякӧд литературной лист бок. Чайта, тайӧ петасыс отсалас кыскыны коми литератураӧ выль том гижысьясӧс. И «Лито-Артлӧн» медся ыджыд могыс пӧртсяс олӧмӧ.

Алёна ШОМЫСОВА

«ЛИТО-АРТЛЫ» КЫВ

Любовь АНУФРИЕВА

Олөмас пыригөн ми век восьтам өгзөс.
Өгзөсөд быдөн пырө ас ногөн. Нюмөн ли,
шогөн ли. Ме воськовті тагөс саяс кытыр
мырпомөн, гзык өні на воті Съөд шор сайысь.
Вигзөдлы, кутшөм гырысь вотөсыс. Абу не-
ридз, абу косьмөма. Тан и кадөй, тан и кывйөй,
тан инасьтөм сьблөмөй...



«Из да Енкөла костын» циклысь

xxx

Изъясыд войнас
оз узыны,
век видзөдөны енэжас.
А мукөдыс на пыись,
Чайта да,
Көсйөны ваө моз
Дзурсмунны сылөн
Джуджыд йирө, -
Бөр лоны эзысь кодзувьясөн
Да индыны туйсө
Шуд корсьысьлы.

2

Ольга БАЖЕНОВА

Неважөн ме гөгөрвои, кызди колө сөйны.
Вөлі ме тшыгсьыс-тшыг (куимсө во быттьө
узи да өні тшук садьми), а водзам ичөтих
нянь тор. И унджыксө виччысьны некытысь.
Сэки тайө нянь торйыс лоис мен ёртсьыс
на ёртөн, ме пола вөлі ненөгөн дойдны сийөс.
Курчышти и кылі, мый няньыс тайө раглө,
тагзикөн ме сийөс пыгди пукта да. Быд кинь
вөлі окопапырысь вощьө: со тайө шобгї
пызь - сынөда, рокөс - шома, ва - йитысь,
сов - изья, сахар - свеклаа. Ме дзоньнас вөлі
- тайө няньыс, и сэсса нинөм. И кутшөм шуда
ме сэки вөлі! Ме гөгөрвои, мый тагзи колө
вөчны ставсө: лыгдян кө - лыгды, сөян кө -
сөй, гижан кө - гиж, рагейтан кө - рагейт.

Ме век чайті, мый ми мунам истинала-
ныс, а вөлөмкө, ми сы дорө бөр локтам.



xxx

В.М.

«Некор нинөмысь эн пов!» -
Шуин мен да мыччин китө
Здук кежлө.
И ставыс.
Пом.
Быттьө торьялім ми дзикөдз.

Бөрья сунис быттьө ори
Медся ён да чорыд гезсьыс,
Сьөд вөр шөрө отнам коли,
Өні ачым аслым - мездысь.

А кор зэв нин сьөкыд полө,
Шуштөм шоглунсьыс кор пола,
Олөмөй кор - курыд сов,
Кор нин дзикөдз воа пикө!..
Быттьө кыла мыччөм китө:
«Некор
Нинөмысь
Эн пов!»



Алёна ШОМЫСОВА

Кывйыс кызкө отпырйөн шымыртіс менө. И кыс-кис аслас визулө. Ме эг вермы водзасьны ськөд. И кывті, быттьо вао сюрөм кор.

Быг лун сійө санөдіс менө сөстөм кабалаө, и сёр-нитны велөдчысь кага моз виглі восьтыны мөвпгъясөс. Найө лестукъяс моз оръясьлісны. Но коркө каг-кыв велөдіс менө кыны наысь зумыг дөра. Но сы вылын артмысь серыс некодөс на эськө эз чуймөд.

Кыв пондіс босьтлыны менө пыр ылөджык и ылө-джык. Виль енкөлаясө. Виль вежөртасъясла. Ме виглі өктыны найөс, но найө чери моз уйкнитлісны меысь. И кушөм ыджыг шугөн вөлі кыйны на пысь көть өтиөс. Кабалаө тёлкысьліс өти кыв. Сэс-ся мөд. Коймөд... И дырөн-ө-регыдөн артмыліс кыв-бур. А меным кө - дзонь енкөла.

Өні ме кывкөд ог нин вермась. Төда: сійө вайөдас сэтчө, кытчө колө. Вашкөдас сійөс, мый бургөдас кодөскө сьөкыг здукө. Индас колана туй.

Эска: кывйыс некор оз эновт. Сійө и бергөдлө олөм чөрсөс. Кылан шургөмсө?



Талун сьөдовруд кымөръяс коластас ме ог сун, Медым кыпөдны ловруөс енэжлөн тувсов лөзөн - Сійөн сьөлөмөс өтарө шымыртө жугыльлун, Кыдзи зэрласьысь ывласө - вой төвлөн гажтөм льөмзөм.

Кымөр эшкынысь кадысь-кад корсяла лөзов син. Гашкө-й, збыльысь сэн мөдарас анделөй менө виччө, Медым бара на уськөдны лов пытшам зарни кинь, Коді сьавкнитас бөрыннас кывъяслөн югыд мичөн.

Ясыд луньясө енэжыс шөпкөдчө мекөд век. И тшөтш муюгыд олөмсө мойдігсор кисьтө лолам. А ме видзөда сьөлөмөй бурмытөдз лөзсө сэк, - Ачым сынөд кодь дзырыдөн здук кезлө быттьо лола.



Алёна СТАРЦЕВА

Медводз вөлі кыв... Тэнаг, лыдгысь-сьысь, тайө вөлі коми кыв. Сійөс по-тан гінө лажыньтчөмөн сьыліс пөчыг, гулыг пармаын воча горөдгывліс йөла, кузь туйө петігөн вашкөдіс пельө мамыг. Найө, кыв вигзысьяс, козналісны кывсө, мед тэ водзө вигзин-лелькуйтін сійөс, эн өтгорт, эн ёгөсьт, а гыр каг мысьт шөпкөдін сійөс кагукыды.

Кылан-ө тэ том сьөлөмнаг пөль-пөчлысь дойсө, кор тшөкыгджыка и тшөкыгджыка кыв йштөдыс орө. Унаөн том йөзысь өтгортчөны кывсьыс да өтгортөны сьысь челягьнысө, оз сет-ны кывйыслы вынсө сөвмыны водзө. Дыр каг мысьт сійө вермас гзыкөдз вунны - сывны енкөлаас.

Лыдгысьысь, тэ сайын нюжөдны кывлысь нэмсө! Сьыв, лыдгысь, сёр-нит комиөн, мед кывйыс пөртмасьс уна-уна рөмөн да нимкогьмөдас водзө локтысьсө!



Енэж польдіс, польдіс, польдіс, Чардби лөсыштөмысь потіс. Кымөр гөрөдъясөд пысьтіс - Зэрсө кисьтіс, кисьтіс, кисьтіс.

Төвсө пөльтіс, кытшө гартіс, Жыннянъясө вартіс, вартіс. Шлявгис, лявзіс, льөмзіс, сьөвзис, Польсийс, тельсийс... сэсся өвсис.

Шонді югөръясысь бурдіс...

Вөр-ва ышловзис да нюмдіс.

Елена Афанасьева

Бу



Бу... Тайо менам муса юй, Вашкай. Чельдырсянь лов пальодысьой, бура овны ышодысьой, сьолөм сетысьой, вердысьой-удысьой.

Мыйла тадзи нимті книгасө... Сы вöсна, мый быд кыв тайо книгаас чужис Вувывса олөм йылысь мөвпалөмөн.

Кор гижсьө, век мөвпнам лэба чужанінө, ветлөдла берег дорті, видзөда васө, кытшлала сикт весьтөд, быттьö лэбач. Дерт, некод менö сэсь оз аддзы - тыдавтөм лэбачсө, но ме эм.

Бу козналіс меным Кыв и Мөвп. Шог и Раддун. Дай помасьлытөм Кад.

Ме эска аслам Юлы и водзö понда виччысьны кывбуръяс. А найö тшөтш сэсья лооны Юясөн да визувтасны тіян сьолөмъясö... венны Кадсө.

Быд мортлы-ö лэбач вайö юөр? Гашкö, сöмын сылы, кодi вермас гөгөрвоны сылысь сёрнисö... Кыв- бурөн ли, серпасөн ли, шыладөн...

Елена Афанасьева да Елена Смурова тöдмасисны неважөн на. Поэт аддзис художниклөн серпасъя- сысь... ассьыс ловсö. И корис рисуйтны выль небöгсö - эрдöдны тыдавтöмсö. Регыд мысти Елена Смуровасянь воисны книгаö серпасъяс. И нöшта козин - лэбач. Куим серпас.

Тайö лист бокас тöдмасысны öта-мöдныскöд поэтлөн да художниклөн лэбачныс. А гашкö, тайö лэба- чыс - öти и сийö жö?

Алёна ШОМЫСОВА

5

Елена АФАНАСЬЕВА



* * *

- Кутшöм могөн, лэбач,
Вайин юөр?
- Чусмö шондiй да,
Локтi била.
- Морöс шондiös, - сэк тшöктi сылы:
- Ньылав.
Кык пöв вына
Кык шондiлөн
Югөр.

* * *

Тэ кутшöм олöмысь, лэбач?
Сэтчös ли татчös?
А туйыд нö кодарö тэнад,
Кывтчös ли катчös?
Ог тöд, мый могысь локтiн тэ,
Лов шудös юны?
Öд мый вöли важөн,
Ставыс нин вунi.
И колö-ö выльысь миянлы
Сёрнисö панны?
Гашкö, мöд олöмын.
Сöмын оз му вылас танi.

Лэбач-кад

1

Чукöрта лысва войт
Ки тыр...
А кодi бöрдö?
Лэбачöй, эн-ö дойд
Аслад ёсь йыла бордйөн?..

2

Лэбачлөн сьылан гор
Кутшöмджык рöма овлö,
Кыаысь вежджык кор
Вөр-ваыс платтьö новлö?..

Нинöм ме сэсь ог кыв!.. -
Кадсö мöй лэбачыс венö?..
Сьылöмас ни öти кыв.
Либö став кывйыс нин сэнi!..

3

Петкöда лэбачлы тусь.
Киös нюзöда - сэйö...
Лэччылас еджыд юсь
Тöлысьтöм пемыд войö.

Борд шысö коляс мен -
Бытьö тан сийö ачыс.
Ме пытшкын сэсянь вен:
Кольчча ли...
Енэжас кача?!.



МӨВПСЯМ

Кулөмдін районса Помөсдін сиктын олө енбиа коми гижысь Александр Шебырев. Школаын краеведение да музей удж нуөдөм кындзи сійө веськөдлө «Петас» литературной котырөн. Челядькөд уджаланногөн, налысь кыв да мөвпсям сөвмөданногөн гижысь юксьө тайө ёрта сёрниын.



- Александр Васильевич, мый ышөдіс тіянос котыртны гижан уджө босытчысь ныв-зонлы кружоксө? Кутшөм медшөр мытшөдъяс паныдасисны тайө уджас?

- Журналистикаын дыр кад чөж уджалөм бөрын, 2003 воын, мен вөзйисны веськөдлыны Помөсдін школаса краеведческой да Тима Вень нима музейясөн, нуөдны челядькөд краеведческой удж. А краеведениеын эм торъя туйвизь - литературной краеведение. Окота лои корсыштны школаысь енбиа челядьсө, ышөдыштны гижан уджө. Лөсьөді шыөдчөм, локтис... комын вит морт. Весиг ачым повзъышти: та мында йөз көсийны пыртчыны литературной уджө? Но руыс пыр жө разалис. Юали: мый ті виччысян-ныд литературной котырлөн уджысь? Ньюмялөмөн вочавидзисны: мед пө ті велөдінныд миянос бура сочинение да диктант гижны. Ме нюмсорөн жө пасйи, мый тайө - филолог-велөдысьяслөн веськыд удж, а миянлы быдөнлы ковмас мырсьөдны юрнымөс, мөвпавны... И колис сизим морт. Тайө вөлі «Петас» литературной котырлөн сюрөсыс. Школа помавтөдзис сэсся челядь гижисны кывбурьяс да висытторьяс. Кызвынсө, - комиён, но ме эг өтдорт и рочөн гижысьясөс. Артур Уляшев, Яна Ефремова, Маша Шомысова, Настя Ефремова, Катя Пэдурау, Лиза Прошутинская... Ставсө он пасйы, кольөм каднас «Петас» пыр сө мортсыд унджык мунис.

Кокни уджавны сэн, көн бур филолог-велөдысьяс. Медводз - коми кыв велөдысьяс. Помөсдін школаын та кузя ставыс лючки-бур, челядькөд позьө ноксыны. Но воысь воө пыр сьөкыдджык. Компьютер «дышмөдө» ичөт мортлысь юр вежөрсө, «кусөдө» енбисө. Водзө нөшта лоас сьөкыдджык. И та кузя колө чорыда думыштчыны...

- Кутшөм ногөн муноны тіян творческой занятияес? Кыдзи сөвмөданнуд ныв-зонлысь гижан кывсө?

- Творческой удж - «штучной». Колхознад нинөм оз артмы. Быдөн мөвпалө ас ногыс, и тайө бур. Медводз, дерт, сетан сідз шусяна теоретической подув, гөгөрвоөдан, мый сэтшөм кывбурыс, мый сэтшөм рифмаыс... А сэсся - быдөнкөд торъя удж, торъя гижөдъяс кузя. Тан колө матыстчыны том гижысь динө

сёлөмсяньыд, оз позы первойсяньыс повзёдны сійос, некор оз ков - видны. Быд морт - личность, и сійос колө пыдди пуктыны, небыдика водзлань йоткыны. Талун мортислөн оз артмы - аски артмас.

- Мый йылысь гижоны өнiя челядь? А тi вöзьянныд налы кутшöмкö темаяс?

- Сöмын на гижан туйö пырысьяслы темаяссö корсюрö вöзьяла. Мед видзöдлыны, кызди художественной боксянь вежöрыс авторислөн бергалö. Верма öти темасö сетны öтпыр дас мортлы, мед бöрас öта-мöдыскöд öткодялöны. «Конкуренцияын» нинöм лёкыс абу. А сэсся том гижысьяс ашшөр туй вылö петöны, асьныс нин темаяссö корсьöны. Дыр «нянькаавны» на бöрся оз ков, нинöм бурсö оз сет. Ёнджыка, дерт, гижоны вöр-ва йылысь, ичöt чужан му йылысь да с.в. Шуам, талунья том авторьяс пöвстысь мем сёлöм вылö воö Максим Уляшевöн творчество. Сийö гижö ичöt грездлөн тöрытъя да талунья олөм йылысь, гөгөрвоö йöзлысь тöжд-могыяссö.

- Мыйла ныв-зон дугдöны тэчны кывбур-висьтнысö школасö помалөм бöрын? Кыдзи найöс ыззьöдны водзö гижны?

- Тайö «юр висьöмыс» воысь воö ёсьмö. Пола, регыд гижны некодлы лоас. Тан уна помкаыс. Коми кыв вылысяньыс öтарö «уськöдöны», сэтшöм политикаыс. Кызвын школаас талун велöдöны оз чужан кыв, а - «государственной» кыв. Регыд збыльысь пöрас «пажнайтан кывйö». Чужан кывйыд ловъя сэк, кор колö олөмас. Сынöд моз. Комиöс пöдтис роч кыв. А рочöс вермас пöдтыны английской кыв, сэтшöм кö яра кöсьям пырны «глобальной» мирö. И век жö унатор - ас сайын. Кор коми бать-мам мырдөн дугдöны челядьсö коми кывйысь - йöз сьемек. Но - синва сорөн. Миян пöль-пöчьяс тайöс оз прöститны. Кötъ нин челядьыдкöд сёрнитöй чужан кывнад. И сэк кодкö да коляс коминад гижысьыд.

- Александр Васильевич, тi нöшта веськöдланныд Помöсдiн школаса краеведческой музейöн. Висьтыштöй сылөн артмөм-сöвмөм да сэнi удж нуöданног йылысь.

- Тайö зэв ыджыд юалөм, висьтавыны кö удж йылысь, торъя журнал ковмас. Пасъя дженьыдика. Помöсдiн школаса краеведческой музей востылыс 1963 воын. Ышöдысьяснас да подув пуктысьяснас вöлины велöдысьяс Иона Васильевич Игнатов, Поликсиния Васильевна Игнатова, Александр Васильевич Уляшев да мукöдыяс. Музейыс востыс став йöз отсөгөн, буретш помöсдiнсяяс ваялысны сэтчö медводдза экспонатъяс. Öти кадö музейыс тупкысьыс (челядьлы велöдчан жыръяс эз тырмыны), а сэсся 1970 воын бара востыс. И öнöдз уджалö. Бöрынджык туясян уджсö нуöдисны Лидия Васильевна Кучева, Валентина Александровна Супрядкина да Татьяна Владимировна Уляшева. А сэсся босытчи ме. Важсö туявыны радейта, газетын на «Пöдөн важас» рубрика улын помся гижаси. Миян - тыр-бур музей. Вель ыджыд фондъяс, регистрируйтöма. Эм Устав, мукöд кабала. Музейын - история да этнография жыръяс. Медшөр могыс - отсавны школалы велöдчан да воспитайтан уджын. Мый ми и вöчам. Кыскам челядьсö «важ история» пыр. Челядь - менам медводдза отсасысьясыс. Котыртöма музейной актив, музейса Сöвет. А кыз мöд ногыс? Челядь жö и ваялöны кутшöмкö виль экспонатъяс. Но тöдчöда: музейислөн сöмын нимыс «школьной», збыльвылас сийöс поэзö шуны сиктсаөн.

- Кутшöм материал чукöртöма Тима Вень йылысь, важыс и выльыс?

- Тима Веньлысь олан да гижан туйвизьсö кызвыннас талун туялöма нин. Öдвакö сэсся сюрасны йöзöдлытöм рукописьяс, мукöд гижöдыяс. А код тöдас. Но кольö морт память. Колö помнитны Тима Веньöс. Медпервой - помöсдiнсяяслы, землякъяслы. Сидз артмис, мый коми кывйын да литератураын гежöd морт колис ёна тöдчана пас. А Тима Вень - на лыдын. Вежöра морт медпервой гöрдитчö аслас художникъясөн, гижысьясөн да музыкантъясөн, а сэсся нин - генеральясөн... А ми тшöкыда нимöдам бöрряяссö, вунöдам воддзаяс йывсыс. Тайö абу бур. Вай кутам казытивны Виктор Савинöс, Тима Веньöс да мукöд югыд йöзöс, кодъяс лöсьöдисны öнiя коми литературалысь подувсö.

- Александр Васильевич, мый эськö сиинныд том гижысьяслы?

- Сöмын öтитор: мед гижöмыд вайис радлун. Медпервой - аслыд. Кутшöм тöлк сыысь, кор тэ мыр песöм моз гижан, броткөмөн да дзуртөмөн? Оз кö артмы, - шыбит. Артмö кö,- эн дышöдчы. Видлы гижны збыльсö, торйөн нин - прозаын. Сэк лыддысьысь эскас. Пыдди пукты ассыд чужан кывтö, и сийö тэд ачыс отсалас! Сöмын сэк, кор тöдан кывтö,- верман гижны. Мый быдöнлы и сиа.

Сёрнитис Алёна ШОМЫСОВА.



МИЯН ГӖСЫТ

Помӧсдінысь «Петас» литературной котыр

Максим УЛЯШЕВ

Сетӧма

Енмӧн тиянлы тай сетӧма
Зарни лунъяс да зарни войяс!
Бордъя идӧгыс тай петӧма, -
Сійӧ чинтас сьӧлӧм дойяс...
Сылыӧй, ворсӧй, менам ёртъясӧй, -
Сы вылӧ тай муас воим!
Олӧй лючки-бура, мортъяс кӧ...
Эска: мортъясӧн ми лоим...



Серпасыс Сыктывкарса 26-ӧд номера школа архивысь.

Юлия УЛЯШЕВА

Чужин кӧ тэ тан...

Чужин кӧ тэ Коми муын, -
Некор яндысьны оз ков.
Мича, кыпид коми кывӧн
Медым тырас тэнад лов!
Коми кыв мен медся дона,
Сійӧс мӧд вылӧ ог веж.
Мед на сӧвмас дыр да ёна,
Аслас туй вывсьыс оз кеж.
Паськав, разав, кывӧй,
Ӧзты сьӧлӧмъясын би!
Кутышт менӧ мелі сывӧн,
Нюжӧд мелань небыд ки.

Алексей ЕФРЕМОВ

Бабӧй сёрнитліс

Коми кывӧй озыр да бур.
Кызди бабӧй сёрнитлӧ:
Важсӧ казтыштан, - вӧлисти вежӧрмас юр.

Коми кывӧй дженьыд да стӧч.
Кызди батьӧй шулывлӧ:
Ворс. Сӧмын сы водзын уджтӧ тэ вӧч.

Коми кывӧй мелі да шань.
Кызди мамӧлӧн пӧжалӧм
Небыдик, юмов да пӧсь пувъя нянь.

Коми кыв меным - матысса кыв.
Сійӧ шонді моз югъялӧ.
Кевма: тувсовъя лым моз эн сыв.

Анна КОЧАНОВА

Сійӧн сёрнитлісны пӧльяс

Ассьым кывӧс радейта зэв ёна,
Сыысь бурис некор нин оз сюр.
Рочыс эськӧ меным - сідз жӧ дона,
Но ӧд коми - менам чужан кыв!

Сійӧн сёрнитлісны коркӧ менам пӧльяс,
Сыӧн ӧнӧдз сёрнитам и ми.
Помнитӧны кывсӧ зумыш вӧръяс.
Мортлӧн пыр на ӧзйӧ сьӧлӧм би.

Сиа чужан кывлы дырся олӧм.
Медым водзӧ гажӧдас быд лов.
Шыбитамӧй вежӧръясысь полӧм:
Кывлӧн кусӧм некорыс оз ло...



Редколлегия:

Елена Афанасьева, Юрий Лисовский, Алёна Шомысова,
Галина Макарова, Григорий Хатанзейский.



ШӨПКӨДЧЫШТАМ

Гожомын ми гожъялам, тырвыйо шойччам. А лосьид-ө шондї улын олөмыд миян юрсилы? Тшөкыда казялан, буретш гожомын юрсиыд

быттьө «мудзөма». А ставыс сы понда, мыйла шондї югөр косьтө юрситө, сөйө сылысь збыльвывса рөмсө, юрсиыд быттьө быгалөма.

Юрсиыд - нывлөн медшөр мич**Мый колө вөчны?**

- Медводз бырөдны вожалөм (сецитчысь) юрси помъяс. Он кө окотит дженьдөдны юрситө, позьө вөчны африканскөй көса. Искусственнөй пратьяс сайын дзевсьө ас юрсиыд, и тадз видзан найөс шондїысь. Но тайө лөсялө сөмын налы, кодлөн абу киль да мукөд пөлөс юр кучик висьөм.

- Бывлаө петигөн быть пасьтав мыйкө юр вылад, но мед юр вылө пасьталанторыйд «лолаліс».



- Плаж вылө мунтөдз мавт юрситө УФ-фильтра средствоөн. Вөдитчы шамуньөн да бальзамөн, көні пасйөма SUN кыв, - сідзкө, наөн позьө вөдитчыны буретш гожся кадө.

- Гожомын оз вөзйыны краситны юрситө, вөчны химия, вөдитчыны фенөн.



Мый вөчны шондї улын тшыкөм юрсикөд? Вөзьям некимын маска:

Ёнмөдам юрси

Ковмас китыр лапкор, шырны сійөс блендерөн да содгыны стөкан выльбөв. Сулөдны 10 минут, а сэсса мавтны юрси кучиктө. Мыськавны юртө 40 минут мысти.

«Вазьөдан» маска

Ковмас 2 чипан кольклөн кольквижыс, лимон джынлөн сокыс. Содгыны на дорө 6-10 войт вуй (оливки, репейнөй, чайнөй пу). Мавтны юрси кучиктө да видзны 30 минут. Та бөрын бура пожъявны юрситө.

Юрси видзан гудрас

Босьтны 1 апельсин да 1 ыджыд пань ма. Апельсинсө лэдзны тертука пыр, содгыны ма. Артмөм гудрассө мавтны ва юрси вылө да видзны 30 минут, а сэсса мыськыны шоньд ваөн.

«Мудзөм» юрсилы отсөг

Колө 2 ыджыд пань катшасин. Видзны сійөс 1 стөкан пөсь ваын 10 минут. Сөдзөдны. Көдзалөм бөрын мыськавны юрситө.

Ёнмөдам юрси

4 ыджыд пань посньөдлөм шалфей кор видзны 2 стөкан пөсь ваын 10 минут чөж. Сөдзөдны да көдзөдны. Та бөрын пожъявны юрситө.



**ВЫЛЬ
ПРОЕКТ**

Воись-во важ керкаясыд киссьоны. Өттишоти вошө и историяысь ыджыдкодь юкөн. «Гриваса рөдвуж керкаяс» проект (сы йылысь и окота паськыдджыка висьтавны) отсалас ас сиктса войтырлы пидисяньджык видзөдлыны пуысь вөчөм зодчество вылө.

Гриваса рөдвуж керкаяс

Проекто мөвпышто-ма важоннин. 2005 воын Гриваса кык велөдчысь ветлөмаось Волгоградгожся лагерө. Налон мунтөдз сиктса библиотекаын уджалысь Татьяна Евгеньевна Чугаева нуөдөма ыджыдкодь туялан удж: төдмалөма, коді ас сиктса пөвстысь усьөма Волгоград дорын Айму вөсна Ыджыд тышдырйи. Татьяна Евгеньевна дасьтөма войнаын усьөмаяслысь список, корсьөма налысь рөдвуж

керкаяссө. Гриваса велөдчысьяс нуөмаось Волгоградө пөгибнитөм салдатяслөн чужан керка дорысь му да разөдөмаось Мамаев Курганын. Локтиганыс томулос вайөмаось сэтчөс му да кыпыда дзебөмаось Победа лунлы сиөм обелиск дорын.

Талунъя лунө Гриваын вөчөма сідз шусяна Малый пантеон славы, кытчө дзебөма Новгородысь, Волгоградысь да Пиндуши посёлокысь

(Коми Республикаса Медвежьегорской районнысь) вайөм му тыра капсулаяс. Индөм инъясын усьөмаось миян землякяс. Таво сиктсаяс дзебисны и Куликово поле вылысь мусө.

2011 воын Гриваса библиотекаын лои нуөдөма «Ас му» акция. Сэтчөс уджалысь Татьяна Чугаевалөн веськөдлөм улын Карелияса фронт вылын усьөмалөн керкаяс дорысь босьгисны му. Сэсся меститис-

ны дөраысь вурөм нопторйө да ас сиктса морткөд ытисны Карелияө. А 2014 вося тулысын Гриваса школаын роч да коми кыв, литература велөдысь А.Н.Чугаевалы юрас воөма нөшта өти зарни мөвп - пасйыны Гриваса рөдвуж керкаяс. Тадзи проекткыс виль өдөн мөдөдчис восьлавны водзлань.

Чилимдинса ань Т.Д.Вокучева вөчө жө татшөмсыма проекто, но туялө сөмын ов сертиыс. Кык





проектс быттьö маты-
нось öта-мöд дорас, но
сэк жö ёна торъялöны.

Гриваса проект серти
уджыс пыр водзö муно:
лои сёрнитöма нин сикт-
са войтыркöд, тöдмалö-
ма рöдвуж керкаяс йы-
лысь. Проект помын ав-
торъяслöн кöсийöм серти

керкалön талунъя кöзя-
инъяслы лоö козыналö-
ма рöдвуж керкалысь
паспорт.

Гриваын эмось важ
стрöйбаяс. На йылысь
сиктса олысьяс быттьö
вунöдöмаось нин. А öд
быд керка - тайö исто-
рия, висьталö кöзяин

йывсыс, кольö кутшöм-
кö аслыссыкас пас. Oz
ков вунöдны керкалön
кöзяин йылысь, кодi се-
тiс стрöйбаыслы ассыс
сёлöмсö. Туявны тайöс
- миян мог. Ми йöз, и
ассыным вужьясынымöс
вунöдны оз позь.

«Гриваса рöдвуж кер-
каяс» проект йылысь
паскыдджыка вермас
висьтавны Татьяна Ев-
геньевна Чугаева. Сы
дорö позьö шыöдчыны
grivabibl@yandex.ru
электронной адрес кузя.

Елена ЧУГАЕВА,
Койгорт районьс
Гриваса
библиотекаын
уджалысь.



«Коми йöзöдчан керка»
Коми Республикаса
автономной учреждение.

Веськöдлысьлысь
удж вöчысь
Е.В.ПЛЕТЦЕР

Гл.редактор пыдди
Е.А.МИКУШЕВА



Газет паньсы:
Печать да юөр сетан Коми
Республикаса агентство.
Регистрируйтöма
2007 вося ноябрь 28 лунö
йöзлы юөр сетöм да
культураса озырлун видзöм
кузя оланпасьяс
збыльмöдöм бöрся
видзöдысь федеральной
службалön Беломорской
управлениеын.

Регистрируйтан пас:
ПИ №ФС 3-0686.

Социальной тöдчанлуна
гижöдьясö йöзöдöма «Коми
йöзöдчан керка» автономной
учреждениеылы печать да юөр
сетан КР-са агентствöн
вичмöдöм сьöм вылö.



Редакциялön адрес:

167982, Сыктывкар,
К.Маркс улица,
229-öd керка,
401-402 кабинетъяс.
Тел. 24-12-22, 24-36-49.
E-mail: Yologa@mail.ru



Редакцияын
уджалысьяс:
том йöзлön мытшöдьяс
юкөнön веськöдлысь –
Надежда Пунегова;

письмö юкөнön
веськöдлысь –
Екатерина Микушева.



Медводдза лист бокас
снимокыс
Евгений
Козловлön.



Авторъяслön мөвпяяс оз
пыр лöсявны редакциялön
видзöдласкöд.




Тираж – 434
Гижöдчан индекс – 52099.
«Йöлöга» газет петö
1991-öd восянь
вежоннас öтчyd, комиön.



Печатьö кырымалан кад:
график серти – август
тöлысьлön 13-öd лунö
16 часын; кырымалöма
печатьö 16 часын.
Газет печатайтöма
«Коми республиканской
типография» ООО-ын дась
оригинал-макетъясысь.
167610, Сыктывкар,
В.Савин улица, 81
Заказ №





Быд мортлы кажитчө кутшөмкө рөм. Но өти и сійө жө рөмыд өтилысь вермө мудзтөдны синъяссө, а мөдлы сетны аслысыама отсөг либө шойчөг. Та йылысь медводдзаөн мөвпыштис америкаса бурдөдысь Смит. Сылөн туялөм серти, быд мортлы сылы лөсявтөм рөм пыдди позьө бөрийны мөддөс.

Рөмъяс, рөмъяс...



Дерт, тайө туялөмыс вензяна. Быдөн вермас өтүвтны некымын рөм и паськөмын, и сөянны. Позьө со кызд вөчны: сульшт рөмпөштан водзын, пасьтавлы уна рөма көлуй да вөч кывкөртөд - кутшөм рөм медъёна лөсялө тэныд, кутшөмысь тэ он мудз да кылан асьтө аснад. Мичмөдчынытө да рөмтө вежны отсаласны голяө өшөдан чышгьянъяс да шарфикъяс, исерга да быдсикас юрсикутаныс.

Гөрд пыдди

Уналы оз кажитчы гөрд рөм. Сійөс вежны вермасны циан да бирюза рөмъяс. Торйөн нин водз асылын вөзйөны видзөдны бирюза рөма занавес вылө. Позьө и керка пасьтала тэчны тайө рөма дозмукъяс, серпас да уна мукөдтор. Тайө вөчсьө сьөлөмкылөм кыпөдөм да дзоньвидзалун бурмөдөм могысь. Сөянад мед эськө вөліны жө тайө рөмъясыс. А коді дыр уджалө компьютер сайын, пызан вылад да экранад пукты бирюза да циан рөма серпасторъяс.

Турунвиж пыдди

Турунвиж рөма паськөмтө гежөда коді новлө. Сідзкө, позьө лөсьөдны лөз либө гөрдөвлөз платтьө-ковта. Пызан вылад вольсав татшөм жө рөма пызандөра, а кынөмтө тшөкыдджыка пөткөд сьөд виноградөн, черносливөн, баклажанөн да мукөдторйөн.

Лөз пыдди

Коді оз радейт лөз рөм, позьө вежны сійөс виж, турунвиж да салат рөмъяс вылө. Татшөм войтырысылы колө тшөкыдджыка сөйны лук-укроп, өгурцы да яблөг.



Цветотерапия вермө отсавны кыпөдны сьөлөмкылөмтө, бурмөдны дзоньвидзалунтө, вөчө мортсө шудаөн.